

Zeitschrift: Il glogn : calender dil pievel : annalas per historia, litteratura e cultura romontscha

Band: 6 (1932)

Vorwort: AL lectur

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 02.02.2025

ETH-Bibliothek Zürich, E-Periodica, <https://www.e-periodica.ch>

AL LECTUR

Ei dat adina success, schibein ella veta privata, sco era ella veta publica, che vegnan buca fatgs encunashents entras la vusch della pressa, che vegnan buca pendí vid il zenn grond, mo ch'ein perquei tuttina success. Gie, tals success ein zaco pli bials, pli intims, che quels che vegnan screts cun grossas letteras silla bandiera de vanagloria. Ina semeglianta sort quieta, ha era nies „Glogn“ giu ils davos onns. Ruasseivlamein e senza canera, ha el percurriu nossas valladas romontschas ed ei daventaus pli e pli beinvesius tier purs e signurs.

Quella beinvuglientscha, che semuossa oravontut en la gronda carschen dils lecturs, ei per nus ina segira enzenna, che la fin e mira e la tempra de nies organ, tilla meglier e meglier. Tgei dat ei pia per consequenza pli bi e deletgeivel, che continuar frestgamein culs medems principis, entochen che auters, novs, ein puspei actuals e meriteivels de vegnir susteni cun tutta forza?

Avon presapauc dus onns ei il sribent de questas lingias, vegnius presentaus casualmein dad in compogn, agl encunashent amitg de nies pievel muntagnard, G. Baumberger de restabla memoria. Udend quel, ch'jeu scrivi mintgaton enqual artechel romontsch, han ils egls prudents dil vegl campiun entschiet a sbrinzlar sc'in fiug e cun in temperament aduals ad in giuven de 18 onns, ha el detg a nus ils nunemblideivels plaids: „Tgei consoleivla nuviala! Miu giuven amitg, continuei sin quella via; studigei la historia e la cultura de vies pievel romontsch, ch'jeu carezeschel schi fetg. Mo turnei lu puspei a quel, quei che vus haveis recaltgau, sinaquei ch'il pievel emprendi de carezar sia biala patria e vegni alz aus!“

Senza dubi, Baumberger ha raschun! Perquei continuein nus de marschar silla medema via, culla ferma speronza de turnar a conquistar niev terren per nies ideal.